

四庫全書

經部

欽定四庫全書

經部

春秋質疑卷一至五

詳校官監察御史_臣沈孫鍾

給事中_臣溫常綬覆勘

總校官進士_臣繆琪

校對官中書_臣李荃

謄錄監生_臣王焜

欽定四庫全書

經部五

春秋質疑

春秋類

提要

臣等謹案春秋質疑十二卷明楊于庭撰于庭字道行全椒人萬曆庚辰進士此書之旨以胡安國春秋傳意主納牖褒諱抑損不無附會於春秋大義合者十七不合者十三又於左氏公穀或採或駁亦不能悉當因為條

摘論列之如胡氏謂春王正月乃以夏時冠
周月于庭則引禮記孟獻子曰正月日至可以
有事於上帝七月日至可以有事於其祖證日
至之為冬至即知周以子月為正月又胡氏
謂經不書公即位為未請命於王于庭則引
文公元年春王正月公即位越四月天王使
毛伯來錫公命成公八年秋七月天子使召
伯來錫公命據此則錫命皆在即位之後數

年或數月可知前此之未嘗請命而皆書即位胡說未可通又胡氏以從祀先公為昭公至是始得從祀於太廟于庭則謂季氏斲昭公不得從祀其事不見於三傳至馮山始創言之胡氏不免於輕信凡此之類議論多精確可取固非妄攻先儒肆為異說者比也乾隆四十三年七月恭校止

總纂官

臣紀昀

臣陸錫熊

臣孫士毅

總校官臣陸費墀

春秋質疑原序

自公羊氏穀梁氏出而左氏絀自胡氏列之學官而公穀亦絀然其徵事不于盲史乎其叅訂不于二氏乎而若之何華衮也斧鉞也一切尸祝胡氏而亡敢置一吻也蓋孔子晚而作春秋其徵者使弗知也即知之弗使告也而七十子竊聞之則退而私論之盲史掌故而高與赤亦西河之徒也耳而目之而猶以為如天地之摹繪焉而不得而況乎生于千百世之下而姑臆之乎胡

氏矻矻摘三傳之類而擷其華語多創獲其于筆削之義通矣然其議論務異而其責人近苛間有勦公穀而失之者以王子虎為叔服公孫會自鄩出奔之類是也亦有自為之說而失之者卒諸侯別于內而以為不與其為諸侯滕自降稱而以為朝桓得貶之類是也庭少而受讀嘗竊疑之歸田之暇益得臚列而虛心權焉權之而合者什七不合者什三則筆而識之而質疑所繇編矣博士家謂三傳出而春秋散而胡氏執牛耳也呂

不常懸書于市而詔之曰更一字者予千金此必不得
之數也夫既列胡氏于學官而喋左公穀之口是懸之
市也既懸之市而余猶置一吻于其間是吾家子雲老
不曉事而恨不手不常之金以歸也蓋漢人之祀天也
以牛夷人之祀天也以馬而天固蒼蒼也祀以牛以馬
不若以精意合也夫不以精意求聖人而執胡氏誚左
公穀是祀天而或以牛或以馬也茲余所繇疑也萬歷
己亥春王正月穀旦楊于庭序

宋王荆公疑春秋經筵不以講學宮不以列萬世非之
荆公疑其所以治春秋者耳春秋孔子之刑書筆則筆
削則削雖其門人弟子文學如游夏不使贊一辭平居
之雅言不及焉必其鈇鉞華袞之微旨有未易以語人
者而安在其後世諸儒盡管窺之而蠡測之也漢元康
甘露之間召名儒大議殿中平公穀異同宗公羊者詘
穀梁尊穀梁者亦詘公羊賈長沙獨訓故左氏傳中壘
校尉歆篤好之白左氏春秋可立至移書太常責讓其

屈三者遞興廢然左氏不得與公穀並重矣荆公之時
胡氏書未出彼其睹漢以前儒為公穀氏之學者或用
以繩下或傳為峻文雖以董江都之賢治公羊與胡毋
生同業不免于蓄異事應之說而張禹之善左氏其流
為陳欽子佚以授王莽陰移漢祚其心竊非之是以敢
罷去之而不顧疑其治春秋者而并以廢孔氏之春秋
此荆公之大失也蓋至胡氏之學興而三傳第廢矣非
胡氏之能廢三傳也左氏詳於事而畧於義後世讀之

者第好其文而已公與穀則不幸而出於漢世也吾以
為左丘明生魯春秋之時與夫子同恥又身掌國史典
故其所著書即於義例未甚明于事故詳其譌述當不
至大謬公穀及夫子之門人沿流得之子夏蓋亦有傳
授者義例之興于左氏烈矣至其二家之互相牴牾則
榮廣睦孟之徒為之也胡康侯當宋南渡之世折衷春
秋傳以進其意主於納牖褒諱抑損不無附會焉核非
不精而精或以鑒裁非不嚴而嚴或以拘其炳大義者

固多其不盡符者亦有之孟子曰春秋天子之事也又
曰詩亡然後春秋作事則齊桓晉文文則史義則竊取
之矣摛事於文左氏是已公穀義之所由興也但孟氏
稱天子之事諸儒稱孔子匹夫之事孟氏不言假南面
之權諸儒言孔子假之夏時冠月之類不啻多矣故其
書之所可疑者衆也孔門惟子夏可與言詩詩序子夏
之所作也宋儒黜以為非子夏之所作也三百篇之詩
無淫者詩序廢而詩有淫矣何者序亦不幸而出於漢

世也則又何論公穀乎魯魚亥豕其訛相似其誤不遠
郢書燕燭解之愈精失之愈甚矣楊先生於六籍靡所
不窺讀春秋間不滿胡氏說輒置疑焉彙而成帙以質
四方楊先生者春秋之孝子公穀之慈孫而胡康侯氏
之忠臣也余故弁而論之以為麟經鼓吹云萬厯庚子
五月穀旦邱應和序

								1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1041 1042 1043 1044 1045 1046 1047 1048 1049 1050 1051 1052 1053 1054 1055 1056 1057 1058 1059 1060 1061 1062 1063 1064 1065 1066 1067 1068 1069 1070 1071 1072 1073 1074 1075 1076 1077 1078 1079 1080 1081 1082 1083 1084 1085 1086 1087 1088 1089 1090 1091 1092 1093 1094 1095 1096 1097 1098 1099 1100 1101 1102 1103 1104 1105 1106 1107 1108 1109 1110 1111 1112 1113 1114 1115 1116 1117 1118 1119 1120 1121 1122 1123 1124 1125 1126 1127 1128 1129 1130 1131 1132 1133 1134 1135 1136 1137 1138 1139 1140 1141 1142 1143 1144 1145 1146 1147 1148 1149 1150 1151 1152 1153 1154 1155 1156 1157 1158 1159 1160 1161 1162 1163 1164 1165 1166 1167 1168 1169 1170 1171 1172 1173 1174 1175 1176 1177 1178 1179 1180 1181 1182 1183 1184 1185 1186 1187 1188 1189 1190 1191 1192 1193 1194 1195 1196 1197 1198 1199 1200 1201 1202 1203 1204 1205 1206 1207 1208 1209 1210 1211 1212 1213 1214 1215 1216 1217 1218 1219 1220 1221 1222 1223 1224 1225 1226 1227 1228 1229 1230 1231 1232 1233 1234 1235 1236 1237 1238 1239 1240 1241 1242 1243 1244 1245 1246 1247 1248 1249 1250 1251 1252 1253 1254 1255 1256 1257 1258 1259 1260 1261 1262 1263 1264 1265 1266 1267 1268 1269 1270 1271 1272 1273 1274 1275 1276 1277 1278 1279 1280 1281 1282 1283 1284 1285 1286 1287 1288 1289 1290 1291 1292 1293 1294 1295 1296 1297 1298 1299 1300 1301 1302 1303 1304 1305 1306 1307 1308 1309 1310 1311 1312 1313 1314 1315 1316 1317 1318 1319 1320 1321 1322 1323 1324 1325 1326 1327 1328 1329 1330 1331 1332 1333 1334 1335 1336 1337 1338 1339 1340 1341 1342 1343 1344 1345 1346 1347 1348 1349 1350 1351 1352 1353 1354 1355 1356 1357 1358 1359 1360 1361 1362 1363 1364 1365 1366 1367 1368 1369 1370 1371 1372 1373 1374 1375 1376 1377 1378 1379 1380 1381 1382 1383 1384 1385 1386 1387 1388 1389 1390 1391 1392 1393 1394 1395 1396 1397 1398 1399 1400 1401 1402 1403 1404 1405 1406 1407 1408 1409 1410 1411 1412 1413 1414 1415 1416 1417 1418 1419 1420 1421 1422 1423 1424 1425 1426 1427 1428 1429 1430 1431 1432 1433 1434 1435 1436 1437 1438 1439 1440 1441 1442 1443 1444 1445 1446 1447 1448 1449 1450 1451 1452 1453 1454 1455 1456 1457 1458 1459 1460 1461 1462 1463 1464 1465 1466 1467 1468 1469 1470 1471 1472 1473 1474 1475 1476 1477 1478 1479 1480 1481 1482 1483 1484 1485 1486 1487 1488 1489 1490 1491 149
--	--	--	--	--	--	--	--	--

春秋質疑

凡例

一今代表章胡氏余讀之而當于心者不述述余疑者
一凡左公穀之說胡氏採之而當于余與夫駁之而當
于余兩不述余述夫採之駁之而疑者

一義不係褒貶而其事可以證古今觸議論者述
一四傳語殊雖義不係褒貶而其紕而可摘者述

--	--	--	--	--	--	--	--	--

欽定四庫全書

春秋質疑卷一

明 楊于庭 撰

隱公

春王正月上

胡氏曰周以建子為歲首則冬十有一月是也建子非春乃以夏時冠周月者此所謂行夏之時而見諸行事之驗也余曰非也藉令建子建丑而遂以子丑之月為

春則胡氏之說非也若但以子丑之月為歲首而仍以寅為春則胡氏之說亦非也何言乎以子丑之月為春而胡氏之說非也史伯璿曰行夏之時時者兼春夏秋冬而言之者也既有所謂夏之時則必有所謂商之時周之時矣夏之時以建寅之月為春則周之時必以建子之月為春矣若周之時春亦建寅無異于夏則又何必曰行夏之時哉余按果如此說則是周人建子即以子為春而所謂春王正月者乃孔子從周而不變而杜

預所謂所用之厯卽周正者此也安在其行夏之時而見諸行事之驗乎故曰建子建丑而遂以子丑之月為春則胡氏之說非也何言乎以寅為春而胡氏之說亦非也伊訓惟元祀十有二月蔡沈曰商建丑故以十二月為正三代雖正朔不同然至于紀月之數皆以寅為首非獨蔡沈有是論也胡氏亦曰前乎周者以丑為正其書始即位曰惟元祀十有二月則知月不易也后乎周者以亥為正其書始建國曰元年冬十月則知時不

易也建子非春明矣愚按果如此言是周人雖以子為
歲首而至于春夏秋冬則未嘗不以寅為序初非以冬
為春春為夏夏為秋秋為冬也至仲尼作春秋乃冠夏
時于周月之上而以冬為春是本欲行夏之時而反紊
亂天地四時之序大不若建子建丑而仍以寅為春者
之為要矣故曰以寅為春而胡氏之說亦非也然余嘗
考左傳僖公五年春王正月辛亥朔日南至註曰冬至
也隱九年三月癸酉大雨震電桓十有四年春正月成

元年二月無冰桓八年冬十月雨雪定元年冬十月隕
霜殺菽皆以為災而特書之則信乎以十一月為正月
矣總之以冬為春者乃魯史從周而聖人因之而不變
正所謂今用之吾從周者也至于告顏子以行夏之時
則又斟酌百王所謂某有志焉而未之逮者與此正不
相妨也以為冠夏時于周月之上則鑿矣

春王正月中

或問于余曰夏時冠周正此非獨胡氏之言而程子之

言也程子曰周正月非春也假天時以立義耳余應之
曰理有不可從者尚書序漢儒以為孔子所作今猶議
之况程子乎夫春王正月此夏正之十一月也以十一
月為正月而遂以為春此周正也魯人世遵之者也非
本無此事而孔子創為之者也何以明其然也禮記明
堂位曰季夏六月以禘禮祀周公于太廟雜記孟獻子
曰正月日至可以有事于上帝七月日至可以有事于
其祖夫日至者冬至也七月日至者夏至也魯本以季

夏六月禘至孟獻子改為七月故又曰七月而禘獻子為之也則是魯人明以建巳之月為季夏矣既以建巳之月為季夏則建子非春而何故曰以冬為春此周正也魯人世遵之非孔子創為之者也十一月可以為春乎曰何不可也春之為言蠢也萬物蠢蠢然動也一陽初生管灰吹動即以為春何不可也總之天開于子地闢于丑人生于寅以故三代迭用之然非自三代始也甘誓曰怠棄三正則自唐虞以前固有建子建丑者矣

特以厯起于子丑終不如建寅者為盡善故孔子獨取
夏時焉而非謂建子丑為不可也惟秦以建亥為歲首
則不過區區厭勝之術而其去三正之義遠矣或曰與
其託之空言不若見之行事則以夏時冠周正不亦可
乎余應之曰行夏之時此平日論為邦則然非謂纂修
國史可遽改也信如胡氏之說使聖人修輿服志改周
輅為殷輅乎脩禮樂書改武舞為韶舞乎春秋一書本
為亂臣賊子而作所紀之王周王也所列之諸侯周諸

侯也所用之正朔周正朔也若以夏時冠于周月之上
是先并時王冬春之序而黜之而已之無王亦已甚矣
又何以討亂臣賊子乎

春王正月下

春秋尊王乎曰然曰隱公元年平王之四十九年也書
法宜曰王四十九年春正月而今年用魯月用周者何
也以是推之是年齊僖公祿父必自稱九年晉鄂侯郤
必自稱二年曲沃莊伯鮮必自稱十有一年衛桓公完

必自稱十有三年蔡宣公考父必自稱二十有八年鄭
莊公寤生必自稱二十有二年曹桓公終生必自稱三
十有五年陳桓公鮑必自稱二十有三年杞武公必自
稱二十有九年宋穆公和必自稱七年秦文公必自稱
四十有四年楚武王熊通必自稱十有九年傳曰先王
建萬國以親諸侯又曰周之初封千八百國夫千八百
國必千八百元年也紛紛不同尚謂大一統歟余應之
曰古者諸侯國必有史史必以其君即位之歲紀元元

年春正月者魯史也元年春王正月係之王者聖人之特筆也晉之乘楚之檮杌魯之春秋皆史也則皆以其國君紀元者也至如稱于天子曰朝曰聘稱于友邦曰聘曰朝曰盟曰會曰遇曰納幣曰胥命未有不用天子之正朔而紛紛自紀其元者何以明其然也臯鼬之盟將長蔡于衛也祝佗舉踐土之舊以爭之曰其載書云王若曰晉重魯申衛武蔡甲午鄭捷齊潘宋王臣莒期夫觀異姓必列于同姓之後則其舉周正以號令諸侯

也審矣唯吳楚僭王則其盟會必有自紀其年而不用天子之正朔者此春秋所以亟斥之也歟

不書即位

穀梁之言是也按惠公元妃孟子卒繼室以聲子生隱公宋武公生仲子仲子生而有文在其手曰為魯夫人故仲子歸于我生桓公禮諸侯不再娶仲子于惠公不過妾耳有文在手安知非附會乎而又安得遂以為夫人乎隱桓均之乎庶而隱公兄也桓公弟也立庶以長

桓公安得立隱公又安得成先君之志而欲與桓哉禮人子從治命不從亂命先君之欲與桓亂命也從亂命而遂以與桓此劉愷丁鴻區區之行聖人所不與也故不書即位胡氏謂上不稟命于天子故不書然春秋之書公即位者多矣豈曾稟命天子哉

天王使宰咺來歸惠公仲子之賵 天王崩

武氏子來求賻

褒救衛則王人子突以下士而書字貶歸賵則宰咺以

冢宰而書名春秋之子奪嚴矣然以天王之加禮于魯如此而比其崩也不奔其喪不會其葬愀然若行道之人焉于是武氏子求賻而魯若罔聞知也是尚有人心乎穀梁曰周雖不求魯不可以不歸魯雖不歸周不可求曰來求賻交譏之也得其旨矣

宋公和卒

胡氏曰諸侯曰薨大夫曰卒五等邦君而書卒者周室東遷諸侯專享其國而上不請命故聖人因其告喪特

書曰卒不與其為諸侯也苛乎是棄灰于道者有刑耳
孟子曰子以為有王者作將比今之諸侯而誅之乎抑
教之不改而後誅之乎夫二百四十九年之間豈無一
人請命于天子者而何以槩書卒也然則何居曰春秋
魯史也內卒曰薨外諸侯卒曰卒

葬宋穆公

胡氏曰宋殤齊昭書弑不書葬討其賊也晉景公葬止
公故不書諱其辱也吳楚之君不書葬避其號也余曰

是也胡氏又曰魯宋盟會未嘗不同而三世不書葬治其罪也余曰非也桓公未葬而襄公會諸侯入春秋亦有陳子會溫之例何至并其父葬而削之乎襄公成公並無大罪所云治其罪者何罪也然則三世不葬者何也桓公成公魯或不會或史失之襄公死于泓為中國諱也

葬衛桓公

胡氏曰衛本侯爵何以稱公見臣子之不請于王而私

自謚爾余曰非也桓公父莊公莊公父武公即所謂抑
戒睿聖者以是知衛之稱公久矣諸侯生從其爵卒則
稱公此孝子慈孫之用心聖人所因而不草何謂請命
不請命乎即使請命而天王亦不能以初封之爵稱之
矣胡氏又曰失位而見弑何以為桓忠孝者不忍為也
然嘗考之春秋衛侯完並無失德直以州吁有寵于先
公而阻兵安忍其見弑也亦不幸耳豈有幽厲之惡而
可以惡謚加之乎

齊侯使其弟年來聘

齊侯使弟年來聘鄭伯使弟語來盟此亦據其事而書之非貶之也以為譏其有寵愛之私者鑒也

附錄

有文在手為魯夫人左氏之誣也桓幼而貴隱長而卑公羊之舛也然則隱何以不書即位曰吾從穀梁邾儀父附庸也例稱字左氏以為貴之公羊以為與公盟而褒之穀梁以為男子之美稱失其旨矣

鄭伯克段于鄆左氏曰段不弟故不言弟如二君故曰克稱鄭伯譏失教也噫備矣鄭伯曰寡人有弟不能和協而使餬其口于四方公穀皆以為殺何據宰咺歸賵仲子卒矣左氏以為未薨豫凶事非也穀梁以為惠公之母孝公之妻非之非也

入極造其國都也非滅也公穀以為滅同姓非也無駭卒未賜族也以為惡滅極而削其族尤非也

尹氏卒左氏作君氏聲子也然哀公之母定如書卒

書葬聲子何以不書葬以是知其非聲子也天王崩公羊以為天子記崩不記葬故不書則桓襄匡簡景之志崩又志葬何也

鄭伯不王天下之惡一也而左氏曰周鄭交惡是夷周于諸侯也甚矣其憎于冠履之分也

宋穆公舍其子而立與夷左氏曰宋宣公可謂知人矣立穆公其子饗之命以義夫君子曰否公羊氏曰君子大居正宋之禍宣公為之也

衛人立晉惡其無王命父命而擅置其君也然當是時王命固絕望矣苟有父命則猶可也故于齊陳乞弑荼發之荼固有父景公之命也然亂倫干討則雖以父命不能抗王命故又于衛侯朔發之朔雖有父宣公之命而四國納之則貶王人救衛則褒以王命不與其為諸侯也然王命雖重苟非制命以義亦將墜而不行故又于首止之盟發之以見天子之私愛可奪而大義不可搖此所謂大居正也

考仲子之宮曰仲子不與其為夫人也不與其為夫人則桓公之自以為當立與隱公之欲讓桓皆非也取郕取防左氏以為鄭莊公于是乎可謂正矣以王命討不庭不貪其土以勞王爵正之體也噫不能三年之喪而總小功之察惡乎正入許而不取使大夫百里奉許叔居東偏左氏以為鄭莊公于是乎有禮許無刑而伐之服而舍之度德而處之量力而行之可謂知禮矣噫放飯流歠而問無齒決惡乎知禮

春秋質疑卷一

欽定四庫全書

春秋質疑卷二

明 楊于庭 撰

桓公

滕子來朝

滕侯爵也降而稱子胡氏以為朝弑君之賊而黜之非也自桓二年以至於定哀之世滕或卒或會或盟或來朝或會葬止稱子春秋之法惡惡止其身若以為朝桓

得貶何故并其二百餘年之子孫而盡削之乎則聖人亦太苛矣然則書滕子者何也曰滕本小國自入桓以來其君不能用侯禮自比子男故聖人因而稱子亦如杞伯用夷禮稱杞子也若其朝弑君之賊則直書來朝而惡自見矣

公子翬如齊逆女

隱公世翬再帥師不曰公子此曰公子翬者何也翬為桓弑隱故春秋以此為桓公之公子翬耳

州公如曹 寔來

一州公寔也以公禮如曹則書州公失國而不返則書寔以此見有天下國家者不可一日而不以禮自強而古之帝王所以兢兢業業一日二日萬幾者以此孟子斥紂為獨夫說者曰一日之間天命未絕則為天子一日之間天命已絕則為獨夫繇州公寔之事觀之可見矣故桓十一年鄭忽出奔衛莊二十四年曹羈出奔陳夫忽羈皆君之世子君卒而國固其國也不能自立至

子出奔而春秋直斥曰忽曰羈豈不與寔來之義觸類
哉

子同生

國君生子恒事耳春秋十二公獨桓公書子同生何也
謹之也于是文姜淫周公之血胤不可不謹也

穀伯綏鄧侯吾離來朝

諸侯不生名來朝而名左氏以為賤之者是也何賤乎
陋而雜夷不能行朝禮焉耳胡氏以為朝弑君之賊故

貶而書名然僖二十九年經兩書介葛盧來豈亦以其
朝弑君之賊而名之乎又況同一朝桓也滕侯則貶而
稱子至併其二百餘年之盾而不貫穀伯鄧侯斥而書
名比于失地滅同姓者然其視滕侯之罰則少輕矣邾
人牟人葛人小國稱人此常事也春秋聖人之刑書信
如胡氏之說何其酷罰于滕繼罰于穀鄧而獨恕于邾
牟葛乎則聖人之刑亦頗矣然則朝桓無貶乎曰相率
而朝弑君之賊此直書來朝而惡自見者也

亡秋冬二時

桓之春正月無王也定之春王無正月也胡氏以為聖人削之而余信以為然也桓七年之亡秋冬二時也胡氏亦以為聖人削之而余不敢以為然也然則何也曰此夏五郭公之類而孔子所謂吾猶及史之闕文也若以為弑君之賊天王及諸侯莫能討其罪者故削秋冬二時以示法然定之十四年經有秋而無冬杜預曰史闕亦將引胡氏討賊之說而曲解之乎且二百四十九

年之間弑君之賊亦多矣而何獨于桓削二時也

盟于折 會于夫鍾 于闕 盟于穀丘 會

于虛 于龜 及鄭師伐宋

屢盟而遽伐其國無信不獨宋矣沒公諱之也孟子所謂行有不得者皆反求諸已此王者之事寡怨之方也

許叔入于許

許本無罪齊鄭以強逐之今乘鄭亂復入于許故聖人因而書之曰入于許者無貶無褒之辭且以明夫向不

得入而今始得入亦以甚逐者之罪也胡氏謂宜上告天子下告方伯而後入此與揖讓而救火何異焉

葬蔡桓侯

桓侯謚侯胡氏以為獨請謚也按春秋二百四十九年之間止一桓侯謚如其爵其餘雖曹伯薛伯杞伯滕子許男之屬亡不謚公者豈無一人請謚于天王乎胡氏以為周衰諸侯皆不請謚然齊自太公魯自魯公厯十餘世而入春秋亡不謚公者齊哀公以紀侯之譜為周

所烹尚稱曰公周天子之威既可以烹大國之君而亡
忌豈容其不請謚乎陳起胡公申公世世謚公或曰陳
王者之後得謚為公然春秋止書陳侯不曰陳公也鄭
止伯爵桓公卒于未東遷之前當時禮樂征伐尚自天
子出何得不請謚而亦謚曰公乎然則死而謚公者乃
公侯伯子男之通稱矣桓侯之稱侯何也曰傳失之也
晉仇何以稱文侯曰晉自唐叔而後世世稱侯至武公
而始謚公也則命文侯而不曰公者仍其稱也

葬我君桓公

弑不書葬葬我君桓公譏莊公之忘父讐也傳曰讐在外者外也

附錄

宋督弑君左氏曰君子以督為有無君之心而後動于惡故先書弑其君取郕大鼎于宋納于太廟左氏曰君人者將昭德塞違以臨照百官而置其賂器于太廟其又何誅焉國家之敗由官邪也官之失德寵

賂章也聖人復起不易斯言矣

穀梁以為桓不書王書王為正宋公與夷曹伯終生之卒又以為孔父父字也不名孔子為祖諱也皆曲說也

宰渠伯糾公羊以為下大夫非也

蔡人殺陳佗討弑君也公穀以為佗淫于蔡蔡人不知其為陳君也而殺之舛矣

焚咸丘魯地也書焚譏掩羣也公穀以為邾婁之邑

非也

宋人執鄭祭仲穀梁曰宋公稱人貶之也胡氏曰祭仲不名命大夫也曰執責祭仲也得其旨矣公羊以為賢祭仲為知權何居且自反經合道為權之說出而世儒始有決裂名檢以濟其私者

突不書鄭突不當有鄭也忽書鄭忽當有鄭也當有鄭而名之何失國之辭也知突不當有鄭則庶孽不可萌奪嫡之心知忽以失國而書名則人君不可不

自強于為善

春秋質疑卷二

欽定四庫全書

春秋質疑卷三

明 楊于庭 撰

莊公

不書即位

父仇未報正人子枕戈嘗膽之時而莊公且訑訑焉為之主王姬為之伐同姓為之狩于禚其忘親事仇亦已甚矣削不書即位譏之也胡氏以為內無所承上不請

命者迂也

紀季以鄆入于齊 紀叔姬歸于鄆 紀叔姬

卒

有紀季以鄆入于齊而後紀叔姬可歸于鄆何者五廟在也微紀季則宗廟毀矣叔姬安歸乎以是知季之于祖禰也孝于姑姊妹及鄆人也仁于利害存亡之際也智特書字嘉之也非但亡貶而已春秋卒內女皆諸侯之夫人也叔姬非夫人特伯姬之媵妾耳而仗節守義

不以國亡虧婦道故聖人筆之于經以愧天下後世之
為人臣妾而有二心者紀已亡矣而書紀叔姬叔姬固
紀之叔姬也朱子作綱目韓已亡而張良書韓人晉已
亡而陶潛書晉徵士得春秋之遺意矣

紀侯大去其國 齊侯葬紀伯姬

紀侯大去其國憫之也善之也何憫乎紀小而逼于齊
齊大而暴于是乎紀季姜歸于京師蓋藉庇于天子矣
而天子不能庇紀侯來朝公會紀侯于成蓋求援于魯

矣而魯辭不能公會紀侯鄭伯及齊侯宋公衛侯燕人
戰蓋嘗連三國之兵以抗之矣而齊不可以兵恐公會
齊侯紀侯盟于黃蓋嘗徵惠魯侯以好會矣而齊不可
以好求則為紀侯者所謂亦莫如之何也不得已使其
弟以鄙入于齊以存五廟而已則委而去之并土地人
民儀章器物之屬而棄之如敝屣則其情誠迫而其志
誠可悲矣是以聖人存其爵而不書其名以是為善之
也不然失國不返一州實耳實何以名又削其爵乎胡

氏以為異于太王之去豳而不知太王國于邊方空濶之境雖經屢徙尚可立國春秋之世尺地一民莫不有主紀侯徙將安之執此以責紀侯則又泥矣上書紀侯大去其國而下書齊侯葬紀伯姬正所謂不沒其實甚齊侯之暴于逼紀也閔公弑書公薨而下書夫人姜氏孫于齊公子慶父出奔莒聖人之書法類如此至如葬紀伯姬則所謂不能三年之喪而總小功之察胡氏譏之備矣

齊人取子糾殺之

糾稱子胡氏以為不當殺也甚齊桓也然則魯無貶乎
穀梁曰言取病內也猶曰取其子糾而殺之云爾以平
乘之魯而不能存子糾以是為公病矣

同盟于幽

許男男也而叙于滑伯滕子之上可見春秋以強弱大
小為班不復知有先王之爵矣聖人因而書之蓋傷之
也又况滕子稱子距朝桓者已三十餘年何得以一事

之失而誅及其子孫乎後倣此

郭公

郭公何曰甲戌巳丑陳侯鮑卒及夏五郭公見聖人之
闕疑也必以郭公為郭亡而虜引齊桓公問父老之說
非余所敢知也

齊人伐衛衛人及齊人戰衛人敗績

齊稱人貶之也以王命伐衛正也取賂而還非伯討矣
故貶而稱人胡氏以為將卑師少者非也

公子牙卒

三傳及胡氏皆以為季友酖之也不書刺善季友也疑者曰公子牙慶父之母弟也慶父欲為亂而牙先以病卒天存魯也夫子雖為魯喜而經無異詞乃皆以為季子之酖夫季子不能誅慶父子弑君之後安能以叔牙一言之失而遽酖之乎若疑其後為叔孫則慶父縊死後亦有後況春秋弑君之賊如齊殺無知而其後有仲孫湫宋殺華督而其後有華耦華喜陳殺夏徵舒而其

後有夏馭夏區夫豈皆飲酖而許立者吾姑存疑焉

附錄

紀侯大去其國公羊曰不言滅為齊襄公諱也何諱乎復讐也何讐乎紀侯譖哀公烹乎周九世矣九世可以復讐乎雖百世可也余曰不然季文子欲逐公孫歸父也臧宣叔怒曰當其時弗能治也後之人何罪先王之罰罪人不孥九世而以讐報非矣

糾不係之齊不當立也穀梁以為當可納而不納齊

變而後伐故惡內也非也

宋萬弒君胡氏曰太宰督亦死于閔公之難而不書身有罪也是也惠伯死于子惡之難而亦削而不書非君命也非也子惡不書弒為國諱也既諱子惡則不得不併惠伯諱之矣惠伯何譏焉

鬻拳兵諫目為愛君陋哉左氏之見也自此說一倡而後世有興晉陽之甲以除君側之惡而託之乎忠者

君舉必書書而不法後嗣何觀曹劌之諫如齊觀社也儉德之共也侈惡之大也先君有共德而君納之大惡無乃不可乎御孫之諫刻桓宮楯也男贄玉帛禽鳥女贄不過榛栗棗脩男女同贄是無別也御孫之諫宗婦覲用幣也左氏備矣

曹羈出奔陳赤歸于曹與郭公上下不相蒙也公穀以為赤即郭公謬哉論也以曹殺其大夫而不名為曹羈諱則又舛矣

大夫如他國未有書所為者曰公子友如陳葬原仲
譏私交也公穀以為避公子慶父公子牙之難故有
所託而如陳諺也

紀叔姬一亡國婦耳歸于鄒書卒書葬書紀侯失國
猶書大去其國而不名也齊襄公逐人之國夷人之
社稷亦云暴矣而內亂禽獸行書會書享屢見于經
南山載驅詩又屢刺焉其後卒死無知之手比之紀
侯紀叔姬所得孰多則信乎齊景公之富不如夷齊

之貧也

一年而三築臺甚之也繼書冬不雨以是為無閔民之心矣

春秋質疑卷三

欽定四庫全書

春秋質疑卷四

明 楊于庭 撰

閔公

不書即位

公穀以為繼弑君者是也必以為內無所承上不請命者則胡氏之迂也

齊仲孫來

仲孫不名嘉之也何嘉乎齊桓來魯亂有窺魯之心而仲孫勸以務寧魯難親有禮聖人以是為能存魯也故嘉之下文所謂齊高子來盟即此意也不書使嘉其存魯也若以書來為交譏則高子來盟何以為美乎既譏之必名之矣

附錄

齊仲孫來仲孫湫也公羊以為即公子慶父何居公子頑通于宣姜詩所為刺鴉之奔奔墻有茨也夫

以庶子而通其嫡母此何等事也而人可強使之者
乎又豈有身為君夫人母儀一國而人可強使與子
姦者乎左氏曰初惠公之即位也少齊人使昭伯烝
于宣姜不可強之生齊子戴公文公宋桓夫人許穆
夫人則齊東野人之語也

春秋質疑卷四

欽定四庫全書

春秋質疑卷五

明 楊于庭 撰

僖公

不書即位

公穀以為繼弑君者是也胡氏以為內無所承上不請命迂也

季友敗莒師于鄆

檉之會返席未安也而即襲敗邾人之歸師曲在我矣
故書曰公敗邾師于偃至如慶父弑君天下之惡一也
莒不以為罪而受之至是而復伐我以求賂此所謂敵
加于已不得已而應之者尚可以敗之者為罪乎曰敗
莒師于鄆獲莒曄嘉獲之也此與公敗邾師于偃所謂
美惡不嫌同辭胡氏以為詐謀擒其主將誤矣

夫人姜氏薨于夷齊人以歸 葬我小君哀姜
哀姜與弑二君胡氏以為齊人殺之可也以尸歸魯不

可也既歸于魯則子無絕母之義不得不以小君葬之
矣余謂哀姜之事與文姜異文姜雖與聞乎弑而諸侯
未聞有討之者莊公親其子也父薨之後又二十有二
年而後薨則雖欲不以小君之禮葬之不可得矣哀姜
奔邾不還義與廟絕齊侯召而殺之于夷諸侯亡不聞者
僖公雖厚于嫡母取而葬之足矣何必隆之以小君之
禮而祔食于太廟乎故經書齊人以歸譏齊也葬我小
君哀姜譏魯也唐張柬之討武氏之亂先儒謂宜執武

后于太廟數其罪而賜之死余嘗非之以為中宗親其子而五王又中宗之臣此莊公所不得貶文姜者也然繇斯以談亦足以證葬我小君哀姜者之為過矣

侵蔡蔡潰遂伐楚

胡氏曰書遂伐楚譏專也謂不請命于天子也伯主之專久矣若以為譏則召陵盟楚何者而非專乎然則書遂者何也大桓公之伐楚也蔡黨于楚因其嫁蕩舟之姬之釁而合諸侯以侵之蔡潰而楚已披其黨矣于是

遂聲楚罪而致伐焉所謂以小為大有名之師也故春秋大之至其不請命于天子則桓之所以止于桓而仲尼之徒之所不道也

許男新臣卒

卒許男常事爾以為不卒于師于會而亟歸為不知命則臆說也

晉人執虞公

傳曰不書滅不與滅也其曰晉人執之者猶衆執獨夫

云耳然則晉無貶乎先王之制班爵有等晉以侯而執天子之上公而天子不能討方伯不能詰故削而稱人諱之也孟之會楚以子執公則諱國韓之戰秦以伯獲侯則諱人裴林之役趙盾以大夫會諸侯則諱之曰師其意遠矣

禘于太廟用致夫人

用致夫人如史記夜致王夫人之致蓋已死者左氏曰哀姜近之削姓氏貶之也以其與聞乎弑而不宜祔食

于先公也若曰成風則成風薨于文公之四年此時尚
亡恙縱立以為夫人何曰用致

齊侯小白卒 葬齊桓公

入春秋而王室之衰甚矣然而桓王伐鄭則三國從之
四國伐衛納朔則王人子突救之雖不得盡行其志而
餘威猶存也宰咺之賄凡伯南季宰糾仍叔子之聘榮
叔之錫以魯一國觀之則所以羈縻天下者可知是諸
侯猶藉王命以為重也則天子之于諸侯猶未截然扞

格苟有能興之者猶足與為政于天下也使齊桓毅然
舉太公之履以修周召共和之舊修朝覲聘問之禮為
諸侯倡侵伐盟會必歸命于天子然後扶控大小庶邦
以問罪于天下如宋萬魯慶父之弑逆則誅之諸侯有
自相侵伐者則討之捍戎于曹攘狄于衛因以責貢于
楚天下有不翕然尊周者乎顧乃強摟諸侯而盟之入
春秋未有書滅者有之自桓公始一曰齊師滅譚再曰
齊人滅遂以誅其首創滅國之罪而至于齊人殲于遂

則直書之以志天道之好還他如伐衛而取賂侵陳而書人執轅濤塗與次匡救徐之事種種皆聖人所不與其伐楚也不敢斥其僭王而第舉包茅不入之小者昭王不返尤為無謂豈非以自反不縮而然乎身死蟲出至于九月而後葬其德之入人淺矣仲尼之徒無道桓文之事者以此

邾人執鄆子用之

用鄆子者伯主之虐而書邾人惡邾子之為伯主使也

春秋之法罰并其黨則為惡者懼矣

冬會陳人蔡人楚人鄭人盟于齊

沒公不書者何曰罪魯之首于帥中國以會楚也魯周公之後列國之望也齊桓北杏之會不得魯則諸侯不親楚顧薄之盟不得魯則宋公不釋魯之為天下重久矣莊二十八年秋荆伐鄭公會齊人宋人救鄭齊宋師少將卑而公親會善公之事霸謹也謹于事霸者謹于尊中國也今桓公甫沒而首帥中國以盟楚使其後楚

得執宋公而遂列位陳蔡之上非此會階之乎至公子遂如楚乞師公以楚師伐齊取穀則興戎召禍為惡已甚雖欲諱之而不可得矣

宋公茲父卒

宋襄公卒傷于泓故也不書葬傷中國也宋先代之後爵上公繼齊桓為諸侯盟主而楚以蠻夷執之于會又親集弔于其股卒以傷死而諸侯不能救也不亦傷乎春秋有弱其君而不葬者如滕侯宿男之類而魯宋匹

敵僖公又曾盟于薄釋宋公則決非恣然于襄公之葬而不使使者其為傷中國亡疑也

天王出居于鄭

天王出既赴告于魯則其入魯未有不知之者也然而
不書者何也削之也何削乎削晉文公之納王也何削
乎納王納王臣子之常分也而文公振振然矜之于是
乎請隧而不與也則又多受田于周至于俘天子之親
姻而不顧故仲尼以為不足書也

公會諸侯盟于宋

不曰會楚子而曰會諸侯諱之也何諱乎存中國也

執曹伯 執衛侯 圍鄭

甚矣二伯之忤也以不禮而滅譚以不至而滅遂以一語不協而執轅濤塗伐陳侵陳者齊桓也以觀駢脅而執曹伯畀宋人以不假道而執衛侯使酖之以不禮而圍鄭者晉文也甚矣其忤也宋藝祖有言塵埃中可識天子宰相則人皆物色之矣此王者之量王者之言也

盟翟泉

沒公而人列國之卿左氏以為卿會公侯胡氏以為盟
王子虎余曰兼之也盟處父荀庚孫良夫卻犇者皆沒
公則左氏之說何可少也

晉侯重耳卒

請隧召王盟王子虎齊桓之所不敢為也伐曹衛致楚
已私許之復以怒之齊桓之所不屑為也一戰勝楚遂
主夏盟八年之間威加天下齊桓之所不能為也以故

其効彌速道彌卑功彌高事彌謫矣雖然桓公沒而國
大亂晉為盟主百有餘年何也齊桓內嬖如夫人者六
五公子爭而晉文之齊姜賢杜祁又賢以君故讓偏姑
而上之以狄故讓季隗而已次之其家法勝也齊孝庸
駕盟楚于國伐宋伐魯失其據矣晉襄之略不減于文
既退三強諸侯畏服靈成景厲代爭諸侯悼公蕭魚幾
于王道其嗣述勝也管仲死齊無人焉晉則狐偃趙衰
先軫隨會卻缺欒書韓厥知縈魏絳之徒代不乏人師

武臣力其謀臣勝也晉大于齊諸侯畏之兼斯三者欲無霸得乎

附錄

齊為伯討哀姜是也惜乎其不能討慶父耳左氏以為已甚穀梁以為諱殺同姓非也

齊起臨淄距江黃二千餘里而楚不過八九百里楚悉師方城之外以伐江黃齊救未至而國已斃矣盟于貫會于陽穀說者皆善齊桓掎角以制楚然當考

管仲之言曰江黃遠齊而近楚若伐而不能救則無以宗諸侯矣桓公不聽其後楚人卒滅黃滅江而中國末如之何也使王者處此則必修文德以來之不至好大喜功而貽禍與國矣

許男卒劉敞引檀弓曰國君即位而為禋歲一漆之以是知死者古人之所不諱所謂生寄也死歸也漢世猶有古意賈誼上文帝書曰萬歲之後傳之老母弱子將使不寧嗚呼于今亦罕矣雖然今制上即位

即營山陵亦即位而為禪意也

楚伐許許男面縛銜璧大夫衰經士輿櫬楚子問諸
逢伯對曰武王克殷微子啓如是武王親釋其縛受
其璧而祓之焚其櫬禮而歸之有諸乎曰否好事者
為之也按尚書微子若曰我其發出狂吾家耄遜于
荒今爾無指告予顛隳若之何其父師若曰商其淪
喪我罔為臣僕詔王子出迪我舊云刻子王子弗出
我乃顛隳自靖人自獻于先王我不顧行遯蓋微子

痛紂將亡已欲與家老遜遜矣箕子然之以為商固
將亡我等無為異國臣僕之理而其勢又不能久居
于位蓋昔日我以王子賢而長請立之紂忌之久矣
今若不去是我前日之言適害子也為王子計唯有
出遜荒野以全宗祀無至顛躋我則當死職而不顧
行遜也蓋微子之去不過出遜在野避紂亂豈有抱
祭器而奔周如太史公所云乎祭器藏在太廟微子
安得抱之而奔審爾是春秋所書盜竊寶玉大弓之

類何以稱仁武王克殷釋囚封墓之外不聞所以處
微子者或以其遯野求之不獲及武庚誅而卒求得
之始封之于宋耳且武王討紂之罪何與微子而面
縛輿櫬耶左氏誇此其驗矣

沙鹿崩梁山崩不係之晉天下之辭也

卜筮聖人所以定猶豫自古記之然嘗考之左氏筮
敬仲也曰此其代陳有國乎不在此在異國非此其
身在其子孫可也必以為姜姓也太岳之後物無兩

大則牽合矣占嫁伯姬也曰士刲羊亦無盂也女承筐亦無貺也西隣責言不可償也可也必以為姪其從姑六年其逋明年其死于高梁之墟則附會矣滅項魯滅之也公穀以為齊滅非也

衛伐邢左氏曰于是衛大旱甯莊子曰天其欲使衛討邢乎師興而雨此附會之說也何者仲尼即天也仲尼不與衛滅邢而斥名燬以是知天不與也

公羊多紕其曰獻捷不言宋為公子目夷諱也又曰

泓之戰文王之師不過是也皆紕之紕者也


鄧祁侯不殺楚文王楚卒滅鄧楚成王不殺晉重耳
晉卒敗楚然則三甥子玉之言是乎以楚之強而鄧
殺其君其勢未有晏然而已者即殺重耳晉其無君
乎楚子重耳死天下之為楚子重耳者何可盡殺也
三甥子玉不勸其君以修德自強而區區殺其所忌
亦未矣

齊人伐我北鄙公使展喜犒師受命于柳下惠于是

柳下惠不知其年然業已為魯人所推重矣自此距
會于商任而孔子生之歲八十有三年孔子長而交
于四方則距柳下惠蓋百餘年也孔子安得與柳下
惠為友而盜跖又安得侮孔子哉莊周載盜跖篇余
以為此非莊子之言也後人偽為之也

楚殺子玉說者以為晉再勝而楚再敗也然而敗軍
之將于法應誅楚所以抗衡中國狎主齊盟者以此
故城濮一敗即殺子玉泝水一退即殺子上鄢陵一

戰即殺子反屬國一叛即殺子辛國猶有章也栢舉
喪師囊瓦奔鄭楚不能致辟焉而國浸以弱矣



春秋質疑卷五

欽定四庫全書

經部

春秋質疑卷六至十二

詳校官監察御史_臣沈孫璉

給事中_臣溫常綬覆勘

總校官進士_臣繆琪

校對官中書_臣李荃

謄錄監生_臣王焜

欽定四庫全書

春秋質疑卷六

明 楊子庭 撰

文公

公即位

按周書顧命四月乙丑成王崩宰臣太保即于是日命仲桓南宮毛伯爰齊侯呂伋以二千戈虎賁百人逆王世子釗于南門之外延入翼室宅憂為天下主由是而

觀君薨嗣君即位豈有曠至月日之外者哉今考春秋
書公即位者獨昭公客死而定公嗣位在半年之後此
意如無君不可以為訓不必論至如十一月隱公弑正
月桓公即位曠二月十二月僖公薨正月文公即位曠
一月二月文公薨十月子卒正月宣公即位曠三月十
月宣公薨正月成公即位曠四月八月成公薨正月襄
公即位曠六月六月襄公薨九月子野卒正月昭公即
位曠五月五月定公薨正月哀公即位曠十月夫桓之

繼隱宣之繼文猶為國有難也其餘皆父子繼體國家無事而或曠五月六月甚至十月而後立君天下有是事乎故曰國君已即位于初喪逾年改元而書即位者乃行告廟臨羣臣之禮亦如近日以明年為元年之例非實至是而始即位也雖然以是考之而益知隱莊閔僖之不書即位胡氏以為不請命于天子者謬矣何以明其然也文公元年春王正月公即位越四月天王使毛伯來錫公命穀梁曰禮有受命無來錫命錫命非禮也夫

文公錫命于即位之後則其即位也亦何嘗請命于夫子哉而何以獨苛責隱莊閔僖四公也然則隱公不書即位信為成先君之惡而遂其邪而莊公之為忘父仇閔僖之為繼弑君審矣

王子虎卒

卒王子虎左傳以為同盟是也公穀謂即會葬之叔服而胡氏信之然按傳王子虎卒于文三年越十四年有星孛于北斗叔服尚占宋齊晉之君皆死亂何得以王

子虎即叔服耶胡氏既引叔服之言以傳星孛北斗而復傳王子虎為叔服則其人已死久矣其舛錯不倫抑又甚矣

晉殺其大夫陽處父

處父無譏乎檀弓趙文子曰行并植于晉國不沒其身其智不足稱也

公會諸侯晉大夫盟于扈

諸侯不叙以為不足叙也大夫不名志其專也義不在

子公之後至也胡傳未合

公孫敖卒于齊齊人歸公孫敖之喪

胡氏曰公孫敖之行醜矣出奔他國其卒與喪歸皆書于策者以文伯惠叔二子之哀誠無已也余謂不然凡為人子苟非悖逆之極未有不用情于父母者孔子作春秋以公天下而豈區區私一文伯惠叔哉班固酷吏傳因張安世子孫貴盛遂怨張湯世儒猶且詆之何況聖人筆則筆削則削莫尊于天子而王不稱天莫貴于

本國之君而沒公不書于冊豈以一文伯惠叔而遂紀其不肖之父大書特書不一書也然則何居曰譏其寵有罪焉耳慶父弑二君負覆載不容之罪于法不當置後寵其子公孫敖以為卿固已頗矣敖又不肖聘于京師不至而復而奔莒從已氏焉此不謂之世濟其惡而三尺所必誅者哉為之置嗣為之殯而葬之賞斯僭矣鄭子皙將死子產使吏數其三罪及其死也尸諸周氏之衢加木焉公孫敖昆弟爭室事與黑均而其棄君命

而出奔甚于黑之使太史書七子魯不惟不能討又從而厚之豈非以季孫叔孫之聲勢相倚也而為之主乎春秋譏之以著政逮于大夫之漸其所以垂戒後世者詳且切矣

子卒 夫人姜氏歸于齊 季孫行父如齊

子卒而繼之以夫人姜氏歸于齊明子弑而母大歸也又繼之以季孫行父如齊明季孫之與聞乎弑而為之求援于齊也當是時行父為上卿當國倘仲遂有慶父

之逆而行父懷季友之忠則惡及視兄弟未必駢首而
死于仲遂之手而宣公亦未必立矣身執國政而坐視
亞卿之弑君是尚可以言忠乎他日遂歸父也行父言
于朝曰使我殺適立庶仲也夫則今日之弑非行父主
之而誰也或曰行父賢大夫子蔽獄于行父不亦苛乎
曰鄭子公本謀弑其君子家不可已懼而從之然春秋
直書公子歸生弑其君而不少貲則殺惡及視即蔽獄
于行父焉可也曰然則公子遂可追乎曰弑君之人此

不待貶斥而自見者也

莒弑其君庶其

稱國以弑絕之也太子僕帥國人以弑父又以其寶玉來奔此惡而絕之也

附錄

晉侯伐衛衛人謀之陳陳侯曰更伐之我辭之衛孔達帥師伐晉左氏曰君子以為古古者越國而謀夫越國而謀古矣不勸之以解怨謝過于大國而亟競于

兵可乎無損于晉而多構怨焉何益

春秋子弑父者三楚世子商臣弑其君顧蔡世子般弑其君固許世子止弑其君買此自開闢以來所未有也其後宋劬楊廣更千百年而僅見然顧欲黜商臣而立其弟謀及江羊固淫于般婦義隆欲殺劬隋文欲廢廣其處心積慮有自來矣許止止于不嘗藥而聖人誅之比于商臣般而不貫不亦傷乎語曰為人臣子而不通春秋之義者必陷篡逆誅死之罪則

許止之謂矣然其究也止哭泣而死般為楚虔所誘
殺宋人誅劬隋人弑廣獨商臣戰勝諸侯與晉爭霸
享國十有二年以善歿子孫世有楚凡此皆天道之
不可知者

逆婦姜于齊左以為卿不行公以為娶乎大夫穀以
為成婦于齊何居曰惡其忘哀而婚爾

僑如長狄防風氏遺種斷其首而載之眉見于軾孔
子曰防風氏身橫九畝長之至也焦僥氏長三尺短

之至也魯大夫季文子禿聘于齊齊侯使禿者御之
臧武仲短狐貽之敗國人歌之曰侏儒侏儒使我敗
于邾

齊人執單伯逆王命也執子叔姬無禮于君母也公
穀謂單伯淫于子叔姬文致之詞也

季文子使晉而求遭喪之禮以行可謂三思矣東門
遂殺嫡立庶而已為之求援于齊何不思之甚乎莒
僕以珠玉來奔逐而出諸境公問其故對曰先大夫

臧文仲教行父事君之禮曰見無禮于君父者誅之
如鷹鷂之逐雀也嗚呼無禮于君父孰有大于殺惡
及視者哉已不能討而又與謀焉則何辭以逐莒僕
語曰無瑕者而後可以指人行父愧色矣

春秋質疑卷六

欽定四庫全書

春秋質疑卷七

明 楊于庭 撰

宣公

陳殺其大夫洩冶

左氏曰孔子曰詩云民之多辟無自立辟其洩冶之謂乎余曰是非孔子之言也非之非者也胡氏曰冶雖効忠其猶在宋子哀魯叔盱之後乎方諸比干自靖自獻

子先王則未可同日語也余曰亦非也人臣食人之祿則當忠人之事目視其君之昏而喋不一語其若臣子之義何孔子曰危邦不入解者曰仕危邦者無可去之義在外則不入可也洩冶既仕危邦自當授命若以宋子哀之去為是而于洩冶之死諫訾之是比干不得與微子並稱仁也率天下為人臣者視君之昏而遂愀然去之而不顧必胡氏之言夫

齊人歸我濟西田

歸謹及闡書歸不書我此書我何公羊曰言我者未絕于我也未絕于我何魯宣弑逆以濟西之田賂齊以定其位而齊亦安然受之至是而君臣歲時朝聘于齊齊人悅其順已也而來歸曰歸我濟西田田本我田我不得予之齊齊不得取之我也曰歸歸之不以其道與不以其道而致其歸皆春秋所不與也

晉殺其大夫先穀

春秋書殺其大夫某者胡氏以為罪在上故不去其官

然其中豈無可殺之罪如晉先都士穀箕鄭父之作亂
楚宜申之弑君晉先穀之不用命名狄師者乎何以獨
罪上也余意美惡不嫌同辭有罪無罪觀者當自得之
耳

宋人及楚人平

陳及楚平不書鄭及楚平不書書宋人及楚人平何曰
以是為宋危之而又幸之也易子而食析骸而爨宋之
不亡者幾希矣曰及者我及之也岌岌之辭也胡氏以

為交貶楚之凌暴貶之可也宋方救亡之不暇不矜之而反貶之乎或曰惡詐也登子反之床而劫制之君子所不與也然則孔子微服而過宋非歟又曰惡專也私以其情告子子反而君不預知非人臣之義也泥乎泥乎失火之家豈暇先言大人而後救火乎況華元登子反之床而起之曰寡君使元則未嘗不稟白于君矣故余以為宋人及楚人平罪盟主及諸侯之不能救宋而宋不得已于楚也非貶宋也

附錄

趙盾弑君孔子曰惜也越境乃免余以為此非孔子之言也人臣無將將則必誅豈一越境可免于弑君之惡乎

先王肇九州分五服要荒以外謂之四裔皆別其疆索示以制防非獨異之也蓋以內外之分不可淆為後世慮至深遠也周室既衰藩籬盡撤無河山而闡之以故時時為患即齊晉大國不免焉曰戎曰

山戎曰北戎曰姜戎曰茅戎曰陸渾之戎皆戎也曰狄曰長狄曰赤狄曰白狄曰潞氏曰甲氏及留吁曰庸咎如皆狄也夷曰淮夷蠻曰戎蠻子

楚莊之霸也宜哉若敖氏以反誅已而思子文之治楚也使箴尹克黃復其所命之曰生仁矣哉優于漢宣帝之遇霍氏矣

晉侯治兵于稷以畧狄土立黎侯而還黎侯無所做按衛風式微舊說以為黎侯失國而寓于衛其臣勸

之而作是詩也則狄之滅黎當在衛懿公為狄所滅之前五十年于茲矣至是晉侯滅狄復立黎侯也

子反之不免也宜哉楚武王以來亡不以令尹為政者子反為司馬下令尹一等矣圍宋之役華元登其床而告之遂與之盟而退師是自為政也迄于鄢陵令尹子重亡恙而子反執其兵柄于義何居傳曰二卿相惡蓋子重位在子反之上而政反自子反主之此所以相軋而相傾也歟

王札子殺召伯毛伯下相殺也召伯毛伯不名大臣也大臣而擅殺之以是謂天王為虛位也

取根牟取郭取邾皆小國也內滅曰取諱也公羊以為邾婁之邑何居

春秋質疑卷七

欽定四庫全書

春秋質疑卷八

明 楊于庭 撰

成公

公即位

公八年秋七月天子使召伯來賜公命則其即位也亦何嘗請命于天子哉隱莊閔僖何獨以為上不請命也
新宮災三日哭

公穀曰新宮何宣公之宮也宣公則曷謂之新宮不忍言也災而三日哭禮也成公為無譏矣以為宮成而主未入宣公薨二十八月而尚未遷主則胡氏之臆說也

立武宮

立武宮杜預以為魯人旌輦之功作先君武公宮以告成事示後世是也邲之役潘黨勸楚子立武軍以無忘武功楚子曰武有七德我無一焉何以示子孫其為先君宮告成事而已今魯之戰于輦也忽兵也計其功

則借人也借人之力以救其死若之何其旌之小國幸于大國而昭所獲焉以怒之亡之道也胡氏以宮廟有毀而無立而不著其旌輦之功之不可則鶻突也

晉侯使韓穿來言汶陽之田歸之于齊

惡晉失信也春秋之法曲在內則諱曲在外則不諱晉侯使韓穿來言汶陽之田歸之于齊曲不在我也

衛侯之弟黑背帥師侵陳

黑背稱弟亦是因其事而書之耳仲尼以天自處胡氏

謂齊侯之弟年生無知弑襄公黑背生公孫剽其後出
衛侯衎而代之故聖人皆以為有寵愛之私而稱弟然
其事在其子孫數十年之後而聖人逆探其事而貶其
父子數十年之前必不然矣

晉立太子州蒲為君

晉侯孺在也而子州蒲立為君以伐鄭春秋書曰公會
晉侯齊侯宋公衛侯曹伯伐鄭而其下又書曰晉侯孺
卒若二晉侯然者所謂父不父子不子而春秋所由作

也則亦不待貶斥而惡自見矣

齊人來媵

伯姬雖賢衛人晉人媵之禮也齊人媵之非禮也禮諸侯嫁女同姓媵之異姓則否又況二國來媵是一娶而九女也禮也三國媵則一娶而十有二女矣烏乎禮

負芻殺太子而自立

負芻殺太子而自立則弑君也而春秋不書何也曰此與陳佗殺太子免而自立同罪皆因其不告而不書者

金定四子人言 卷八
也然而蔡人殺陳佗則予以討賊之義而晉侯執曹伯
歸之京師則予其為伯討以是知春秋之誅亂臣賊子
者至矣豈因其不告而遂沒之乎

仲嬰齊卒

公穀胡氏曰嬰齊者公子遂之子公孫歸父之弟也歸
父出奔齊魯人徐傷其無後也于是使嬰齊後之曰仲
嬰齊亂昭穆也弟不可後兄也余曰何由知其非後襄
仲乎習胡氏者曰禮孫以王父字為氏子不可以父字

為氏故知仲嬰齊之必後歸父也余應之曰不然嬰齊以父字為氏此正所以譏魯也何以明其然也季孫行父公子友之子也于法當稱公孫今稱季孫者正以公子友之為季友而生而賜氏也襄仲亦生而賜氏而俾世其卿者故其卒曰仲遂其子歸父既奔而魯立其次子嬰齊以為遂後安得不稱仲嬰齊乎行父可以父字為氏而稱季孫嬰齊獨不可以父字為氏而稱仲乎然則何譏曰弑君之人而生賜之氏而世其卿則春秋之

所不與也

會吳于鍾離

會吳于鍾離于柎于向胡氏以為罪諸侯不敢與之敵者非也晉君方明諸侯方睦吳雖崛起何至諸侯不敢與之敵乎觀向之會吳告敗于晉晉士句數吳之不德也而退之則吳豈能有加于晉者聖人殊而外之以為吳蠻夷也僭王也召而與之會是吳就中國也其志可嘉也戚之會是也故進而稱人即而與之會是中國就

吳也其漸不可長也鍾離祖向之會是也故抑而舉號所以謹內外之防者至矣

曹伯歸自京師

胡氏以為譏天王之釋有罪者是也然當其時天王亦虛位耳晉不許之歸王敢歸曹伯乎曰曹伯歸自京師以為不宜釋而釋必有任其責者矣

刺公子偃

殺無罪也穆姜之請逐二子而公不可也姜怒公子偃

公子鉏趨過指之曰是皆君也公以一言之忤而遂甘心于偃君子以為周官三刺之法不如此矣或曰偃與謀也與謀之惡何如叔孫僑如之主謀乎遂僑如而不誅而顧誅其與謀之公子偃何居

晉弑其君州蒲

稱國以弑外之也書身為元帥執其君而弑之以車一乘葬之于翼東門外而舉國之人莫以為非也則天地將滅亡矣聖人傷之故曰晉弑其君州蒲如莒弑其君

庶其之例胡氏說何鶚突也

附錄

戎伐凡伯于楚丘以歸經明言戎伐矣而公穀以為
衛伐之王師敗績于茅戎經明言茅戎矣而公穀以
為晉敗之舛矣

韋去齊五百里表婁去齊五十里一戰而綿地五百
里逼與之盟其不盟于城下者幾希齊既求成朝而
授玉忽亦可以紓矣卻克趨而進曰是行也為婦人

之笑客也甚矣其橫也郤氏之無後也宜哉

衛遷于帝丘則書晉遷于新田則不書者何也衛書
遷志狄圍衛也不得已也晉之遷有所擇而圖之也
郟事吳晉士燮以諸侯之大夫伐郟以其事吳也是
時晉方使巫臣通吳以制楚而即與吳爭郟尚謂之
好相識乎總之吳晉皆唯利是視者則亦不待黃池
之役而爭為盟主矣

左傳成十六年夏四月滕文公卒蓋昭公之子成公

之父也自此距戰國二百年而滕文公問三年之喪
及井地于孟子是滕有兩文公矣衛州吁有寵于父
莊公左氏曰莊公娶于齊東宮得臣之妹曰莊姜美
而無子衛人所為賦碩人也距二百年而蒯瞶亦謚
曰莊公弑于髡髮之已氏是衛有兩莊公矣謚以易
名周制也今文武大臣父子同謚者必請而更之而
衛及滕以耳孫而同其遠祖之謚而臣子不能改也
有是事乎不寧唯是齊孝公昭昭公潘皆桓公子也

孝公名昭而其弟湣嗣謚為昭公是以孝公之名為謚也楚康王名昭而楚子軫謚昭王是以康王之名為謚也宋公王臣謚成公厯四世而平公名成是又以祖謚為名矣夫謚以易名名可諱謚不可諱也先公先王名昭而嗣公嗣王謚昭將諱之乎抑不諱乎先公謚成而四世之孫名成將不諱乎抑諱之乎凡此皆傳記之可疑而理之不可曉者吾姑存疑焉

春秋質疑卷八